



Publicaziun da plazzas libras

COMMEMBERS PER LA CUMISSIUN D'EXPROPRIAZIUN

Dapi l'1. da schaner 2025 datti en il chantun Grischun be pli ina cumissiun d'expropriaziun.

Per il temp restant da la perioda d'uffizi currenta 2025 – 2028 ston vegnir remplazzads dus commembers en la cumissiun d'expropriaziun davent da l'1. da schaner 2027 enfin ils 31 da december 2028.

Incumbensa e cumposiziun da la cumissiun d'expropriaziun

Sch'i resulta en il rom d'ina expropriaziun ina dispita davart il gener e davart l'autezza dal donn d'expropriaziun, decida la cumissiun d'expropriaziun en emprima istanza en chausa. La cumissiun ha ulteriuras incumbensas che stattan en connex cun la procedura d'expropriaziun. Per ademplir questas incumbensas n'è ella betg mo dependenta da savida professiunala giuridica, mabain er da savida professiunala betg giuridica. Lasuenter duain differentas gruppas professiunalas appartegnair a la cumissiun d'expropriaziun ed avoir las enconuschientschas tecnicas, linguisticas e localas necessarias ([art. 19a al. 1 Lescha d'expropriaziun dal chantun Grischun](#)).

Ulteriuras indicaziuns èn disponiblas sin il portal da giustia <https://www.justiz-gr.ch> sut *Dretgiras / Cumissiun d'expropriaziun / Tgi essan nus*.

Criteria

Tschertgà vegn mintgamai in commember u ina commembra, ch'è famigliars/famigliara cun las regions Maloja u Plaun/Plessur/Landquart e ha da preferenza enconuschientschas professiunalas en l'inschigneria, en l'architectura u en il sector da la valitaziun d'immobiglias. Enconuschientschas preliminaras giuridicas n'èn betg necessarias.

Dimensiun da l'activitad

Per ils commembers da la cumissiun d'expropriaziun n'è fixà nagin grad d'occupaziun. La dimensiun da l'activitad dependa da la chargia da fatschenta.

Remuneraziun

Cun decisiun dals 10 da settember 2024 (prot. nr. 726/2024) ha la regenza stipulà ch'ils commembers da la cumissiun d'expropriaziun survegnan ina diaria respectivamain ina indemnizaziun da cooperaziun da 600 francs.

Contact

Annunzias èn d'inoltrar cun agiuntar in curs da la vita fin ils 31 da fanadur 2026 al president da la Dretgira superiura da chantun Grischun, Remo Cavegn (info.og@gr.ch; Grabenstrasse 30, 7001 Cuira). Infurmaziuns pli detagliadas dat il president da la cumissiun d'expropriaziun, Gian Reto Zinsli, Tel. 081 284 77 41.